

SLUŽBENI GLASNIK OPĆINE BREZA

Godina I Broj:1

Breza, 26.02.1999.godine

Na osnovu poglavlja VI. člana 4.a) Ustava Federacije Bosne i Hercegovine ("Službene novine Federacije Bosne i Hercegovine" broj 1/94) člana 75. Ustava ZE-DO kantona ("Službene novine Federacije", broj 7/96) člana 22. Zakona o lokalnoj samoupravi ZE-DO kantona ("Službene novine ZE-DO kantona" broj 13/98) i člana 3. Statutarne Odluke o organizaciji Općine u skladu sa Ustavom ZE-DO kantona, Općinsko vijeće Breza, na sjednici održanoj dana 06.02.1999.godine, u s v a j a

S T A T U T

OPĆINE BREZA

I - OSNOVNE ODREDBE

Član 1.

Općina Breza (u daljem tekstu: Općina) je teritorijalna jedinica u kojoj građani ostvaruju lokalnu samoupravu, u poslovima utvrđenim Ustavom, Zakonima i Statutom Općine.

Član 2.

Sjedište Općine je u Brezi, ulica ZAVNOBIH-a broj 6.

Član 3.

Općina ima svojstvo pravnog lica.

Član 4.

Općina je u sastavu Zeničko-dobojskog kantona i Federacije Bosne i Hercegovine, a njene granice utvrđene su federalnim propisima.

Općina obuhvata područje sljedećih naselja i to: grada Breze, i naseljena mjesta: Banjevac, Bate, Bukovik, Bulbulušići, Gornja

Breza, Izbod, Kamenice, Koritnik, Mahala, Mahmutović Rijeka, Nasići, Očevlje, Orahovo, Podgora, Potkraj, Prhinje, Seoce, Slivno, Smailbegovići, Smrekovica, Sutješćica, Trtorići, Vardište, Vijesolići, Vlahinje, Vrbovik, Vrankamen, Založje i Župča.

Član 5.

Općina ima svoj grb i zastavu kao i druge simbole o čijem izgledu i upotrebi odlučuje Općinsko vijeće. Prijedlozi grba i zastave iznose se putem javnog nadmetanja, koje organizira nadležno tijelo Općinskog vijeća.

Član 6.

Općina ima pečate koji imaju oblik kruga promjera 40 mm i 25 mm. Sadržaj pečata, davanje odobrenja za izradu pečata, vođenje evidencije o izdatim pečatima, način uništavanja pečata i druga pitanja od značaja za izradu i korištenje pečata Općine, uređuje se posebnom odlukom Općinskog vijeća, ako zakonom nije drugačije uređeno.

Član 7.

Službeni jezici u Općini su bosanski i hrvatski jezik.

Službeno pismo je latinica.

II - OSTVARIVANJE I ZAŠTITA LJUDSKIH PRAVA I OSNOVNIH SLOBODA I SARADNJA S OMBUDSMANIMA

Član 8.

Općina će stvarati uslove da svi ljudi i građani u cjelini na demokratski način ostvaruju sva prava i slobode utvrđene u odredbama poglavlja II.A. 1. do 7. Ustava Federacije njegovim anektima, o čemu će brinuti općinski organi vlasti u okviru svoje nadležnosti.

U ostvarivanju svoje nadležnosti Općina će voditi računa o nacionalnoj strukturi stanovništva u Općini.

Član 9.

Općinska tijela vlasti, općinske službe za upravu i institucije koje vrše javna ovlaštenja dužni su u vršenju poslova iz svoje nadležnosti primjenjivati i dosljedno poštovati prava i slobode građana predviđene u odredbama člana II.A. 1. do 7. Ustava Federacije i njegovim Aneksima.

III - DJELOKRUG RADA OPĆINE**Član 10.**

Općina, putem svojih organa i službi je nadležna za neposredno obavljanje poslova lokalne samouprave utvrđene odgovarajućim federalnim zakonom, odnosno zakonom kantona i ovim Statutom.

Član 11.

Općina u okviru svog djelokruga rada vrši sljedeće poslove:

1. Osigurava uslove i poduzima sve potrebne mjere za dosljedno poštivanje i zaštitu ljudskih prava i osnovnih sloboda, u skladu sa Ustavom Federacije i instrumentima Aneksa Ustava Federacije;
2. utvrđuje strategiju ukupnog razvoja Općine, programe razvoja iz okvira privrednih društvenih, kulturnih, drugih uslova za život i rad stanovništva na području općine i za zadovoljavanje njihovih materijalnih i zajedničkih potreba, u skladu sa zakonom;
3. vodi urbanističko-stambenu politiku i prostorno planiranje od značaja za općinu i njen razvoj kao što je izgradnja naselja poboljšanje uslova stanovanja, uređenje građevinskog zemljišta, održavanje čistoće javnih površina, održavanje parkova i dječijih igrališta, održavanje javne rasvjete, odvozu, deponiranju i likvidiranju otpadaka, obavljanje vatrogasne službe, te stvara uslove za zaštitu i uređenje čovjekove okoline;
4. obavlja komunalne i druge uslužne djelatnosti i lokalnu infrastrukturu, kao što je izgradnja i održavanje lokalnih puteva, lokalnih mostova, objekata za snabdijevanje nasljena pitkom vodom, razvoj poštanskih i telefonskih veza, upravlja spomen grobljima i spomen obilježjima II Svjetskog rata (biste i sl.) održava komunalnu higijenu, lokalne električne mreže te druge djelatnosti infrastrukture lokalnog značaja;

5. osigurava zadovoljavanje lokalnih potreba stanovništva u oblasti: brige o djeci, obrazovanju i odgoju, javnom zdravlju, radu i zapošljavanju, socijalnoj politici, kulturi, fizičkoj kulturi i sportu, zdravstvenoj zaštiti životinja, zaštiti bilja ako zakonom nije drukčije određeno;
6. upravlja općinskom imovinom;
7. stvara uslove za rad lokalnih medija u skladu sa zakonom;
8. brine o iskorištavanju turističkih resursa općine;
9. utvrđuje i stvara materijalne uslove za racionalno korištenje i upravljanje lokalnim građevinskim zemljištem i poslovnim prostorom;
10. poduzima mjera za ostvarivanje mjesne samouprave;
11. osigurava poduzimanje mjera radi vršenja humanitarnih djelatnosti;
12. osniva javne ustanove i druga pravna lica u skladu sa zakonom radi ostvarivanja određenih privrednih, društvenih, socijalnih i drugih interesa i potreba stanovništva;
13. osigurava opće uslove za snabdijevanje građana prehrambenim i drugim potrebama i obavljanje uslužnih djelatnosti na području općine;
14. uspostavlja i održava katastr nekretnina;
15. uređuje i ostvaruje i druge poslove lokalne samouprave, u skladu sa zakonom i ovim Statutom.

Član 12.

Općina je samostalna u odlučivanju u poslovima iz svog samoupravnog djelokruga, u skladu sa Ustavom Federacije, Ustavom kantona, te federalnim i kantonalnim zakonom i ovim Statutom i odgovorna je za obavljanje tih poslova.

Član 13.

Općina, pored poslova lokalne samouprave, obavlja upravne i druge stručne poslove koji se zakonima, iz određenih upravnih oblasti, prenesu na općinu.

IV - OPĆINSKI ORGANI VLASTI

1. Općinsko vijeće
a) Opće odredbe

Član 14.

Općinsko vijeće je predstavničko tijelo građana koje donosi općinske propise i druge akte u okviru prava i dužnosti općine, iz samoupravnog djelokruga općine, te obavlja i

druge poslove, u skladu sa Ustavom, zakonom i ovim Statutom.

Član 15.

Općinsko vijeće obavlja poslove iz svoje nadležnosti samostalno, na osnovu u okviru Ustava Federacije, ustava kantona, federalnih zakona odnosno zakona kantona i ovog Statuta.

Član 16.

Općinsko vijeće se sastoji od 30 vijećnika.

Član 17.

Mandat vijećnika Općinskog vijeća traje dvije godine.

Član 18.

Izbor vijećnika Općinskog vijeća vrši se u skladu sa Zakonom i ovim Statutom.

Član 19.

Građani biraju vijećnike Općinskog vijeća na osnovu općeg i jednakog prava glasa tajnim glasanjem, na cijelom području Općine u skladu sa Zakonom.

Član 20.

Nespojive su funkcije vijećnika u Općinskom vijeću s funkcijom općinskog načelnika, te sudaca Općinskog suda. Izborom vijećnika za Općinskog načelnika, odnosno suca Općinskog suda, prestaje funkcija vijećnika u Općinskom vijeću.

Član 21.

Konstituirajuća sjednica Općinskog vijeća će biti sazvana najkasnije u roku od trideset dana od dana objavljivanja zvaničnih rezultata izbora, osim ako zakonom ne bude određen drugi rok.

Član 22.

Općinsko vijeće ima predsjedavajućeg i zamjenika predsjedavajućeg koje bira vijeće iz reda vijećnika po postupku utvrđenom u Poslovniku o radu vijeća. Predsjedavajući predsjedava sjednicama Općinskog vijeća i obavlja druge poslove utvrđene u poslovniku o radu vijeća. Zamjenik predsjedavajućeg mijenja predsjedavajućeg Općinskog vijeća u odsutnosti.

Član 23.

Funkcija predsjedavajućeg je neprofesionalna, ukoliko Općinsko vijeće ne odluči drugačije.

Član 24.

Općinsko vijeće zasijeda javno, osim u izuzetnim okolnostima predviđenim u Poslovniku o radu Općinskog vijeća. O radu Općinskog vijeća vodi se zapisnik.

Član 25.

Krivični postupak ili građanska parnica ne mogu biti pokrenuti protiv vijećnika Općinskog vijeća, niti vijećnik može biti zadržan u pritvoru ili kažnjen na bilo koji drugi način zbog izraženog mišljenja i datog glasa u Općinskom vijeću.

Član 26.

Vijećnici Općinskog vijeća za svoj rad u Općinskom vijeću imaju pravo na naknadu čiju visinu posebnim aktom utvrđuje Općinsko vijeće.

b) Nadležnosti Općinskog vijeća

Član 27.

Općinsko vijeće nadležno je za sljedeće poslove:

1. priprema i dvotrećinskom većinom donosi statut Općine i odlučuje o njegovim promjenama;
2. bira općinskog načelnika te imenuje i razrješava druge osobe određene statutom;
3. donosi općinske propise kojima se uređuju pitanja iz samoupravnog djelokruga općine, u skladu sa ovim statutom;
4. donosi budžet, završni račun, te propise o oporezivanju i na druge načine osigurava potrebno finansiranje koje nije osigurano od strane kantona ili federalne vlasti;
5. usvaja investicione programe, utvrđuje mjere za njihovu realizaciju u slučajevima kada se programi finansiraju iz Budžeta Općine, donacija i drugih izvora, te usvaja izvještaje o njihovoj realizaciji;
6. osniva javne ustanove i druga pravna lica za obavljanje privrednih, društvenih, komunalnih i drugih djelatnosti od interesa za općinu;
7. odlučuje u skladu sa zakonom o povjeravanju obavljanja pojedinih poslova iz samoupravnog djelokruga općine institucijama koje imaju javna ovlaštenja iz člana 11. stava 1. tačka 12. ovog Statuta;
8. imenuje predsjednika i općinskog sudiju za prekršaje, te daje saglasnosti za izbor Općinskog pravobranioca;
9. odlučuje o zaduživanju općine;
10. raspisuje općinski referendum;
11. donosi poslovnik o svom radu;

12. utvrđuje naziv za dijelove naseljenog mjesta i odlučuje o inicijativama za davanje i izmjenu naziva ulica, trgova, mostova idr;
13. obavlja i druge poslove koji su zakonom stavljani u nadležnost općine kao jedinice lokalne samouprave, odnosno poslove određene ovim statutom.

Član 28.

Općinsko vijeće može donositi odluke iz svoje nadležnosti ako je sjednici prisutna većina od ukupnog broja vijećnika Općinskog vijeća, osim ako je za pojedina pitanja ovim statutom predviđena koja druga većina.

Član 29.

Na sjednicama Općinskog vijeća glasa se javno, ako vijeće ne odluči da se o pojedinim pitanjima glasa tajno.

Predsjedavajući i zamjenik predsjedavajućeg Općinskog vijeća, sekretar Općinskog vijeća i općinski načelnik biraju se, tajnim glasanjem.

Zamjenika općinskog načelnika, na prijedlog općinskog načelnika iz reda rukovodećih radnika općinskih službi, imenuje Općinsko vijeće.

U slučaju privremene spriječenosti sekretara Općinskog vijeća da obavlja svoju dužnost Općinsko vijeće će odrediti drugo lice koje će ga zamjenjivati dok traje privremena spriječenost sekretara vijeća da obavlja svoju dužnost.

Član 30.

Poslovníkom o radu Općinskog vijeća regulišu se pitanja koja se odnose na prava i obaveze vijećnika, njihovu odgovornost, postupak sazivanja prve sjednice vijeća i njegovog konstituisanja, potvrđivanje mandata izabranih vijećnika, način izbora predsjedavajućeg vijeća, svečana zakletva, postupak sazivanja sjednice vijeća, utvrđivanje dnevnog reda, održavanje reda na sjednici, utvrđivanje rezultata glasanja, ovlašteni predlagачи sazivanja sjednice, postupak donošenja općinskih propisa, izvještavanje javnosti o sjednici, donošenje programa rada vijeća, određivanje radnih tijela vijeća, njihov sastav, nadležnost i način rada, sadržaj i način vođenja zapisnika o radu sjednice vijeća i druga pitanja od značaja za organiziranje i rad Općinskog vijeća.

2. Općinski načelnik

Član 31.

Nosilac izvršne vlasti, u okviru prava i dužnosti Općine je općinski načelnik.

Općinski načelnik svoju dužnost obavlja profesionalno.

Član 32.

Općinskog načelnika bira Općinsko vijeće većinom glasova svih vijećnika na način i po postupku utvrđenim poslovníkom o radu vijeća.

Član 33.

Mandat općinskog načelnika traje dvije godine i ne može biti biran na tu funkciju više od dva puta uzastopno.

Član 34.

Ako mjesto općinskog načelnika ostane upražnjeno prije isteka mandata, Općinsko vijeće će izabrati novog općinskog načelnika u roku od 15 dana, od dana kada je mjesto postalo upražnjeno.

U slučaju da je općinski načelnik privremeno u nemogućnosti da obavlja svoju dužnost, funkciju općinskog načelnika vršit će zamjenik općinskog načelnika, imenovan u skladu sa stavom 3. člana 29.

Član 35.

Općinski načelnik predstavlja i zastupa općinu.

Općinski načelnik u obavljanju poslova iz samoupravnog djelokruga općine:

1. provodi općinsku politiku, izvršava općinske propise, te obavlja poslove koje na općinu prenese kantonalna i federalna vlast;
2. priprema općinske propise i druge opće akte koje donosi Općinsko vijeće i predlaže te propise vijeću na usvajanje;
3. imenuje i smjenjuje općinske službenike, namještenike, i druga stručna radna tijela za izvršavanje poslova iz samoupravnog djelokruga Općine;
4. osigurava saradnju općinskih službenika s ombudsmenima i njihovim zamjenicima;
5. stara se o organizaciji i radu općinskih službi za upravu, rukovodi tim službama i osigurava uslove za rad tih službi;
6. vrši konsultacije za izbor sudija općinskog suda;
7. predlaže Općinskom vijeću imenovanje predsjednika i općinskog sudiju za prekršaje, vrši izbor Općinskog pravobranioca,
8. donosi pravilnike i druge provedbene akte kojima uređuje prava, obaveze i odgovornosti službenika i namještenika općinskih službi za upravu;

9. podnosi šestomjesečni izvještaj Općinskom vijeću i javnosti o provođenju općinske politike, izvršavanju općinskih propisa i drugih poslova iz svoje nadležnosti;
10. podnosi godišnji izvještaj o izvršenju Budžeta;
11. obavlja i druge poslove određene zakonima ovim statutom i drugim propisima.

Općinski načelnik osigurava i obavljanje poslova koji su federalnim zakonom, odnosno zakonom kantona preneseni na općinu.

U obavljanju poslova iz stava 1. člana 35. ovog statuta općinski načelnik ostvaruje saradnju sa Vladom kantona i nadležnim organima uprave kantona, odnosno Vladom Federacije i nadležnim federalnim organima uprave, zavisno od toga da li se radi o provođenju zakona kantona, odnosno federalnog zakona.

Član 36.

Radi izvršavanja poslova iz nadležnosti općinskog načelnika, može se osnovati Savjet općinskog načelnika.

Savjet općinskog načelnika pomaže općinskom načelniku u pripremanju, donošenju i izvršavanju akata iz njegove nadležnosti i vrši druge poslove utvrđene statutom i drugim propisima općine.

Odluku o osnivanju savjeta općinskog načelnika, sastav, i broj članova savjeta donosi općinski načelnik.

Član 37.

Općinski načelnik može biti smijenjen odlukom Općinskog vijeća, pod uslovima i na način predviđen Poslovníkom.

3. Općinske službe za upravu

Član 38.

Za obavljanje upravnih i drugih stručnih poslova iz samoupravnog djelokruga općine, kao i upravnih i stručnih poslova koji se federalnim zakonom i zakonom kantona prenesu na općinu, osnivaju se jedna ili više općinskih službi za upravu.

Općinske službe za upravu osniva Općinsko vijeće na prijedlog općinskog načelnika.

Odlukom o osnivanju općinskih službi za upravu uređuju se pitanja koja se odnose na naziv, nadležnosti, rukovođenje, odgovornost i način rada općinskih službi za upravu.

Član 39.

Radom svih općinskih službi za upravu rukovodi općinski načelnik, koordinira i usmjerava njihov rad, s ovlaštenjima predviđenim zakonom, ovim statutom i općinskim propisima.

Radom pojedinih općinskih službi za upravu neposredno rukovodi šef službe.

Šef službe odgovoran je za rad službe kojom rukovodi općinskom načelniku.

Član 40.

Općinski načelnik postavlja i smjenjuje šefove općinskih službi, službenike i druge namještenike općinskih službi za upravu, nakon provedenog javnog konkursa odnosno oglasa u skladu sa zakonom.

Za šefa općinske službe za upravu može biti imenovana osoba koja ima visoku stručnu spremu odgovarajućeg smjera, položen stručni upravni ispit i radno iskustvo najmanje od tri godine poslije sticanja visoke školske sprema.

Član 41.

Organizacija općinskih službi za upravu uređuje se pravilnikom o unutarnjoj organizaciji.

Pravilnik o unutarnjoj organizaciji sadrži djelokrug službe, organizacijske jedinice i njihovu nadležnost, racionalnu sistematizaciju radnih mjesta i uslove u pogledu stručne sprema, radnog iskustva, stručnog ispita i broja izvršilaca, rukovođenje službom i odgovornosti za njen rad i druga pitanja bitna za organizaciju i rad službi.

Pravilnik o unutarnjoj organizaciji donosi općinski načelnik, uz saglasnost Općinskog vijeća.

Član 42.

Općinske službe za upravu, u skladu sa zakonom i ovim statutom neposredno obavljaju sljedeće upravne i druge stručne poslove:

1. izvršavaju općinske propise i druge opće akte iz samoupravnog djelokruga općine,
2. rješavaju u upravnom postupku o pravima, obavezama i pravnim interesima građana i pravnih lica iz samoupravnog djelokruga općine,
3. obavljaju nadzor nad djelatnošću javnih preduzeća i ustanova koje obavljaju poslove na osnovu javnih ovlaštenja utvrđenih propisima općine,
4. daju inicijative za rješavanje određenih pitanja iz samoupravnog djelokruga općine,

5. pripremaju nacрте općinskih propisa i drugih općih akata iz svoje nadležnosti,
6. obavljaju i druge poslove određene ovim statutom i općinskim propisima.

Pored poslova iz stava 1. ovog člana, općinske službe za upravu obavljaju upravne i druge stručne poslove koji su federalnim zakonom odnosno zakonom kantona preneseni na općinu.

Član 43.

Za obavljanje stručnih i drugih poslova za potrebe Općinskog vijeća, općinskog načelnika i službi za upravu mogu se osnovati određene stručne, tehničke i druge službe kao zajedničke i samostalne o čemu odlučuje općinski načelnik.

Član 44.

Rad općinskih službi za upravu je javan.

Općinske službe za upravu samostalno obavljaju poslove iz svoje nadležnosti i za svoj rad odgovorne su općinskom načelniku.

4. Općinski sud

Član 45.

Sudsku vlast u općini vrši Općinski sud u skladu sa zakonom kantona.

Član 46.

Svi općinski organi vlasti dužni su izvršavati i pomagati u izvršavanju presuda i rješenja sudova Federacije, sudova kantona i općinskog suda.

V - PROPISI I DRUGI AKTI OPĆINE

1. Propisi i drugi akti Općinskog vijeća

Član 47.

Općinsko vijeće u izvršavanju poslova iz svoje nadležnosti usvaja statut općine, općinske propise, budžet, završni račun i izvještaj o izvršenju budžeta, poslovnik Općinskog vijeća, donosi rješenja i zaključke, daje autentična tumačenja propisa koje donosi i utvrđuje prečišćeni tekst tih propisa.

Poslovníkom Općinskog vijeća utvrđuje se sadržaj i način pripremanja i donošenja općinskih propisa i drugih akata i način njihovog objavljivanja.

Općinski propisi i opći akti općinskog načelnika moraju biti u saglasnosti s ustavom, zakonom i ovim statutom.

Član 48.

Općinsko vijeće, u obavljanju poslova iz samoupravnog djelokruga općine, donosi općinske propise i druge akte, u skladu sa ovim statutom.

Općinsko vijeće donosi općinske propise i druge akte i o pitanjima koja su zakonom kantona, odnosno zakonom Federacije prenesena na općinu, ako je zakonom o prenošenju tih poslova predviđeno donošenje općinskog propisa.

Općinsko vijeće donosi općinske propise u obliku: odluke, naredbe i uputa.

Član 49.

Odlukom se uređuju pitanja i odnosi iz samoupravnog djelokruga općine, osnivaju općinske službe za upravu i druga tijela općine, uređuju pitanja koja se odnose na prihode i finansijska sredstva općine, osnivaju preduzeća, ustanove i druga pravna lica, uređuju određena pitanja i određuju mjere u okviru nadležnosti Općinskog vijeća, uređuju određena pitanja koja su zakonom Federacije, odnosno zakonom kantona prenesena na općinu, a predviđeno je da donošenje općinskog propisa, te u drugim pitanjima određenim ovim statutom.

Naredbom se, radi izvršavanja određenih pitanja iz samoupravnog djelokruga općine, naređuje ili zabranjuje postupanje u određenoj situaciji koja ima opći značaj na području općine.

Uputom se propisuje način rada i izvršavanja poslova iz samoupravnog djelokruga općine od strane općinskog načelnika ili općinskih službi za upravu, koja su uređena odlukama ili naredbama iz stava 1. i 2. ovog člana.

Član 50.

U obavljanju poslova iz svoje nadležnosti Općinsko vijeće donosi rješenja i zaključke.

Rješenjem se odlučuje o imenovanju, postavljenju i razrješenju odnosno smjenjivanju, općinskog načelnika, predsjedavajućeg Općinskog vijeća i njegovog zamjenika, sekretara Općinskog vijeća, predsjednika, sudije Općinskog suda za prekršaje i članove radnih tijela Općinskog vijeća, kao i o drugim pojedinačnim pitanjima iz nadležnosti Općinskog vijeća.

Zaključkom se utvrđuju stavovi o pitanjima od značaja za provođenje utvrđene politike i općinskih propisa iz člana 49. ovog statuta, određuju zadaci za općinskog načelnika ili

općinske službe za upravu prilikom razmatranja pitanja iz njihovog djelokruga i drugim pojedinačnim pitanjima iz nadležnosti Općinskog vijeća o kojima se ne odlučuje rješenjem.

2. Akti općinskog načelnika

Član 51.

Općinski načelnik u izvršavanju poslova iz svoje nadležnosti može donositi provedbene opće akte radi primjene općinskih propisa iz člana 49. ovog statuta, odnosno primjene zakona ako je zakonom predviđeno donošenje takvog općeg akta.

Provedbeni opći akti koje donosi općinski načelnik su: pravilnik, instrukcija i naredba.

Općinski načelnik može donositi opće akte iz stava 2. ovog člana, ako je za to ovlašten propisom iz člana 49. ovog statuta.

Član 52.

Pravilnikom se razrađuju pojedine odredbe odnosno pitanja uređena propisima iz člana 49. ovog statuta, radi osiguranja odgovarajuće primjene tog propisa.

Instrukcijom se utvrđuju pravila i upute za rad općinskih službi za upravu i drugih institucija koji su nadležni za provođenje i primjenu propisa iz člana 49. ovog statuta.

Naredbom se naređuje i zabranjuje postupanje u određenoj situaciji koja ima opći značaj za područje općine.

Član 53.

U izvršavanju općinskih propisa iz člana 49. ovog statuta, općinski načelnik donosi rješenja i druga pojedinačna akta kojima se u upravnom postupku rješava o pravima, obaveza i pravnim interesima fizičkih i pravnih lica u prvom stepenu na osnovu tih propisa.

Pripremu nacrtu rješenja i drugih pojedinačnih akata iz stava 1. ovog člana, obavljaju općinske službe za upravu, svaka u pitanjima iz svoje nadležnosti.

Općinski načelnik može ovlastiti šefove općinskih službi za upravu da u pojedinim pitanjima donese rješenja i druge pojedinačne akte iz stava 1. ovog člana, o čemu se mora donijeti posebno rješenje o prenošenju tog ovlaštenja.

Protiv prvostepenog rješenja i drugih prvostepenih pojedinačnih akata iz stava 1. i 3. ovog člana koja donosi općinski načelnik, odnosno šef općinske službe za upravu, nezadovoljna stranka ima pravo izjaviti žalbu u roku od 15 dana od dana prijema tog akta, ako zakonom nije drugačije određeno.

O žalbi iz stava 4. ovog člana u drugom stepenu rješava nadležno tijelo koje obrazuje

Općinsko vijeće, ako zakonom nije drugačije određeno.

Protiv rješenja donesenog u drugom stepenu, u skladu sa odredbom stava 5. ovog člana, može se pokrenuti upravni spor kod nadležnog suda kantona, u skladu sa zakonom.

Član 54.

Rješenja i druga pojedinačna akta općinski načelnik, odnosno šef općinske službe za upravu donosi i u slučajevima kada odlučuje u upravnom postupku o pravima, obavezama i pravnim interesima građana i pravnih lica na osnovu federalnog ili kantonalnog zakona kojima su upravni i stručni poslovi preneseni na općinu. Protiv prvostepenih rješenja i drugih prvostepenih pojedinačnih akata donesenih u poslovima iz stava 1. ovog člana, može se izjaviti žalba i to:

1. na rješenje i druga pojedinačna akta koja su donesena na osnovu zakona ili drugog propisa kantona nadležnom organu uprave kantona, ako zakonom kantona nije drukčije određeno.
2. na rješenja i druga pojedinačna akta koja su donesena na osnovu zakona ili drugog propisa Federacije - nadležnom federalnom organu uprave, ako federalnim zakonom nije drugačije određeno.

Član 55.

Pri donošenju rješenja i drugih pojedinačnih akata iz člana 53. i 54. ovog statuta primjenjuju se pravila upravnog postupka koja su utvrđena federalnim zakonom o upravnom postupku, a u pogledu pokretanja upravnog spora odredbe federalnog zakona o upravnim sporovima.

Član 56.

Općinski propisi iz člana 49. i ostali opći akti koje donosi Općinsko vijeće stupaju na snagu kao što je u njima propisano, ali ne prije nego što budu objavljeni, u službenom glasniku Općine.

VI - NEPOSREDNO UČESTVOVANJE GRAĐANA U ODLUČIVANJU U LOKALNOJ SAMOUPRAVI

Član 57.

Građani sa područja općine mogu neposredno učestvovati u odlučivanju o lokalnim poslovima iz samoupravnog djelokruga općine. Oblici neposrednog odlučivanja građana su: referendum, mjesni

zbor građana i drugi oblici neposrednog odlučivanja.

a) Referendum

Član 58.

Građani sa područja općine mogu putem referenduma neposredno odlučivati o pitanjima koja su od njihovog zajedničkog interesa.

Pod poslovima od zajedničkog interesa, u smislu ovog statuta o kojima se može raspisati referendum, smatraju se sljedeći poslovi:

1. utvrđivanje prijedloga za promjenu statuta općine,
2. predlaganje donošenja akta o pitanjima koja su od interesa za život i rad građana kao što je: izgradnja objekata komunalnog značaja, uređenje prostora, održavanje higijene i čistoće javnih površina na području općine, uvođenje samodoprinosu za određene namjene i druga pitanja od zajedničkog interesa za građane,
3. izjašnjavanje građana o pitanjima od općeg interesa za općinu, ako Općinsko vijeće zatraži takvo izjašnjavanje,
4. druga pitanja predviđena zakonom ili propisom općine.

Član 59.

Referendum se može raspisati za cijelo područje ili za područje jedne ili više mjesnih zajednica ili više naselja.

Referendum za područje jedne mjesne zajednice ili jedno ili više naselja može se, po pravilu, raspisati radi uvođenja lokalnog samodoprinosu za rješavanje određenih neophodnih životnih potreba građana na tom području ili izjašnjavanja o izdvajanju ili pripajanju naselja drugom području ili radi rješavanja drugih potreba značajnih za život građana na tom području, u skladu sa zakonom i propisima općine.

Član 60.

Referendum za područje cijele općine ili za područje dvije ili više mjesnih zajednica raspisuje Općinsko vijeće.

Referendum za područje jedne mjesne zajednice ili za jedno ili više naselja s područja iste mjesne zajednice (lokalni referendum) raspisuje vijeće te mjesne zajednice.

Član 61.

Prijedlog za raspisivanje referenduma iz stava 1. člana 60. ovog statuta mogu podnijeti jedna trećina vijećnika Općinskog vijeća, općinski načelnik, vijeće mjesne zajednice za

čije se područje traži raspisivanje referenduma i politička stranka koja je predstavljena u Općinskom vijeću.

Član 62.

Prijedlog za raspisivanje referenduma sadrži pitanja o kojima se građani trebaju izjasniti na referendumu i područje na kojem treba provesti referendum.

Član 63.

Pravo glasanja na referendumu imaju građani koji imaju prebivalište na području općine, odnosno na području za koje se raspisuje referendum koji imaju biračko pravo.

Odluka donesena na referendumu obavezna je za sve općinske organe i stanovništvo zajednice za čije je područje referendum raspisivan.

Član 64.

Odlukom o raspisivanju referenduma, određuju se pitanja o kojima se na referendumu građani trebaju izjasniti, te dan i način održavanja referenduma i područje na kojem će se provoditi referendum.

Član 65.

Referendum provodi komisija za provođenje referenduma koju imenuje Općinsko vijeće, odnosno vijeće mjesne zajednice.

Komisija za provođenje referenduma određuje mjesta u naseljima u kojima će se građani izjašnjavati na referendumu.

Referendum se provodi u skladu sa zakonom i ovim statutom, odnosno statutom mjesne zajednice.

b) Zborovi građana

Član 66.

Općinsko vijeće može tražiti mišljenje od zbora građana o prijedlogu općinskog propisa ili drugog općeg akta ili drugog pitanja iz samoupravnog djelokruga općine.

Član 67.

O svakom pitanju iz djelokruga Općinskog vijeća građani imaju pravo na zboru građana pokrenuti inicijativu za donošenje određenog akta ili rješavanje određenog pitanja iz djelokruga vijeća.

O inicijativi iz stava 1. ovog člana Općinsko vijeće mora raspravljati ako je inicijativa podržana potpisom od strane najmanje deset posto birača upisanih u birački spisak općine i dati odgovor podnosiocima

inicijative najkasnije u roku od dva mjeseca od prijema prijedloga, odnosno inicijative.

Član 68.

Svaki građanin ima pravo Općinskom vijeću i općinskom načelniku pismeno ili na zapisnik uputiti predstavke i pritužbe i davati prijedloge za rješavanje određenih pitanja iz nadležnosti lokalnih poslova općine.

Organi iz stava 1. ovog člana dužni su dati odgovor na podnesenu predstavku ili pritužbu odnosno prijedlog, najkasnije u roku od 30 dana od prijema predstavke ili pritužbe, odnosno prijedloga.

VII - MJESNA SAMOUPRAVA

Član 69.

Mjesna samouprava podrazumijeva pravo građana da neposredno učestvuju u odlučivanju o određenim lokalnim poslovima koji neposredno utiču na njihov svakodnevni život i rad.

Kao organizacioni oblik za vršenje poslova iz stava 1. ovog člana, građani imaju pravo osnovati mjesnu zajednicu.

Mjesna zajednica se osniva za jedno naselje ili više međusobno povezanih manjih naselja ili za dio većeg naselja odnosno grada koji u odnosu na ostale dijelove grada čini zasebnu cjelinu.

Član 70.

Građani koji imaju prebivalište na području za koje se osniva mjesna zajednica, odlučuju o osnivanju mjesne zajednice referendumom.

Inicijativu za osnivanje mjesne zajednice mogu dati građani na zborovima, njihove organizacije i udruženja, vijeće mjesne zajednice, Općinsko vijeće, preduzeća i drugi organi i organizacije određeni u Statutu općine.

Zbor građana saziva predsjednik vijeća mjesne zajednice ili 10% birača upisanih u birački spisak, naseljenih mjesta za čije se područje predlaže osnivanje mjesne zajednice.

Mjesnu zajednicu osniva Općinsko vijeće.

Član 71.

Odluka o osnivanju mjesne zajednice prihvaćena je ako je za odluku glasalo nadpolovična većina birača upisanih u birački spisak naseljenih mjesta za čije se područje osniva mjesna zajednica.

Član 72.

Na zboru građana bira se osnivački odbor od tri do pet članova.

Osnivački odbor dužan je pripremiti statut i druge akte mjesne zajednice, provesti izbore za organe mjesne zajednice najkasnije u roku

od 60 dana od dana donošenja odluke o osnivanju mjesne zajednice.

Član 73.

Mjesna zajednica je nadležna za obavljanje poslova koji neposredno utiču na zadovoljavanje svakodnevnih potreba, život i rad građana, kao što su:

1. izgradnja i održavanje puteva, kanalizacije, vodovoda i drugih objekata za zadovoljavanje komunalnih potreba,
2. uređenje naselja, izgradnja i održavanje parkova, zasada, dječijih igrališta, sportskih objekata i slično,
3. izgradnja i održavanje grobalja, u saradnji sa vjerskim zajednicama,
4. čišćenje javnih površina, odvoz smeća, odvođenje atmosferskih voda i zaštita okoliša, te
5. obavljanje i drugih lokalnih poslova od interesa za život i rad građana u mjestu stanovanja, određenih statutom mjesne zajednice, u skladu sa ovim statutom i propisima općine.

Član 74.

Posebnom odlukom Općinskog vijeća, a na prijedlog općinskog načelnika, može se na mjesnu zajednicu prenijeti vršenje određenih stručnih poslova iz samoupravnog djelokruga općine koji su u nadležnosti općinskih službi za upravu a koji su od neposrednog interesa za prava i obaveze građana, kao što su: dostavljanje podataka za plaćanje komunalnih naknada i drugih prihoda općine, vođenje određenih evidencija i drugih poslova koji su od značaja za rad općinskih službi za upravu.

Sredstva za obavljanje poslova iz stava 1. ovog člana obezbjeđuju se u budžetu općine.

Član 75.

Mjesna zajednica ima statut.

Statut mjesne zajednice usvaja Vijeće mjesne zajednice.

Statut je usvojen ako je za njega glasala dvotrećinska većina članova vijeća mjesne zajednice za čije se područje osniva mjesna zajednica.

Član 76.

Statutom mjesne zajednice, u skladu sa zakonom i ovim statutom, uređuje se postupak osnivanja mjesne zajednice, njena nadležnost, organi način njihovog izbora i opoziva, njihova nadležnost, način finansiranja djelatnosti mjesne zajednice, postupak provođenja lokalnog referenduma iz člana 57. ovog statuta, odnos prema općini i njenim

organima, kao i odnos prema pravnim licima na području mjesne zajednice i druga pitanja od značaja za organizaciju i rad mjesne zajednice.

Član 77.

Organi mjesne zajednice su:

1. zbor građana,
2. vijeće mjesne zajednice
3. predsjednik vijeća mjesne zajednice

Član 78.

Vijeće mjesne zajednice biraju građani s područja mjesne zajednice, koji imaju biračko pravo, neposredno i tajnim glasanjem.

Mandat članova vijeća mjesne zajednice traje dvije godine.

Član 79.

Broj članova vijeća mjesne zajednice utvrđuje se statutom mjesne zajednice koji ne može biti manji od sedam ni veći od 15 članova, a određuje se u zavisnosti od veličine područja, ekonomske razvijenosti i broja stanovnika svakog naselja ili dijela naselja na području mjesne zajednice.

Član 80.

Vijeće mjesne zajednice donosi program rada vijeća mjesne zajednice, finansijski plan i završni račun, poslovnik o svom radu i obavlja i druge poslove koji su od značaja za ostvarivanje zajedničkih interesa i potreba građana sa područja mjesne zajednice utvrđene statutom mjesne zajednice.

Član 81.

Vijeće mjesne zajednice iz reda svojih članova bira predsjednika vijeća mjesne zajednice na period od dvije godine.

Predsjednik vijeća mjesne zajednice predstavlja mjesnu zajednicu, saziva sjednice vijeća mjesne zajednice i predsjedava im, izvršava program rada i finansijski plan te obavlja i druge poslove utvrđene statutom mjesne zajednice.

Predsjednik vijeća mjesne zajednice za svoj rad odgovara vijeću mjesne zajednice, a općinskom načelniku za obavljanje onih poslova iz samoupravnog djelokruga općine koji su preneseni u nadležnost mjesne zajednice.

Član 82.

Program rada i finansijski plan potreba mjesne zajednice obavezno se razmatra na zborovima građana u naseljima na području mjesne zajednice.

Član 83.

Vijeće mjesne zajednice može, u skladu sa statutom mjesne zajednice sazvati zborove građana radi raspravljanja o određenim potrebama i interesima građana, te davanja prijedloga za rješavanje pitanja od mjesnog značaja.

Način sazivanja zbora građana, njihovog rada i odlučivanja, izbora predsjedavajućeg zbora građana i druga pitanja u vezi rada zbora građana uređuju se statutom mjesne zajednice.

Član 84.

Sredstva za finansiranje djelatnosti mjesne zajednice osiguravaju se:

1. putem lokalnog samodoprinosu,
2. sredstvima koja općina ustupi mjesnoj zajednici za finansiranje određenih poslova,
3. prihodom od radnji i preduzeća koje u skladu sa zakonom osniva mjesna zajednica,
4. naknadama za usluge koje obavlja mjesna zajednica,
5. od darova, donacija i drugih sredstava koja, u skladu sa zakonom i drugim propisima, ostvari mjesna zajednica.

Član 85.

Nadzor nad zakonitošću rada organa mjesne zajednice vrši Općinsko vijeće i općinski načelnik.

Općinski načelnik ima pravo i obavezu predložiti Općinskom vijeću da raspusti vijeće mjesne zajednice, odnosno razrješenje od dužnosti predsjednika vijeća mjesne zajednice ako se utvrdi da u svom radu učestalo krše statut mjesne zajednice, ovaj statut ili propise općine ili ne izvršavaju povjerene poslove.

Član 86.

Mjesna zajednica ima svojstvo pravnog lica.

VIII - SARADNJA S DRUGIM OPĆINAMA I UDRUŽIVANJE OPĆINE U ZAJEDNICE I SAVEZE OPĆINA

Član 87.

U obavljanju poslova iz samoupravnog djelokruga, općina ostvaruje saradnju s drugim općinama, a prije svega sa susjednim općinama.

Saradnja iz stava 1. ovog člana planira se i ostvaruje u onim poslovima koji su od njihovog zajedničkog interesa.

Saradnju sa drugim općinama, u skladu s odredbama stava 1. i 2. ovog člana, ostvaruje

Općinsko vijeće, odnosno općinski načelnik, svako u pitanjima iz svog djelokruga.

Član 88.

Općina se može udruživati u zajednicu općina za određeno područje, u skladu sa zakonom.

Odluku o udruživanju općine u zajednicu općina donosi Općinsko vijeće, samostalno ili na prijedlog općinskog načelnika.

Odlukom o udruživanju općine u zajednicu općina utvrđuju se interesi, ciljevi udruživanja, način ostvarivanja interesa i ciljeva u zajednici općina i druga pitanja od značaja za rad u zajednici općina.

Član 89.

Općina može pristupiti međunarodnim udruženjima lokalnih zajednica i sarađivati s odgovarajućim lokalnim jedinicama drugih država, u skladu s Ustavom Federacije i federalnim zakonom.

Odluka o pristupanju udruženjima, odnosno ostvarivanju saradnje iz stava 1. ovog člana donosi Općinsko vijeće, samostalno ili na prijedlog općinskog načelnika.

Član 90.

Općina se može udruživati u odgovarajući Savez općina Federacije, odnosno Savez općina Bosne i Hercegovine o čemu odlučuje Općinsko vijeće.

Udruživanje iz stava 1. ovog člana ima za cilj da se u savezu općina Federacije ostvaruju i unapređuju određeni zajednički interesi i osigurava njihova zaštita.

IX-IMOVINA OPĆINE I FINANSIRANJE LOKALNE SAMOUPRAVE

1. Imovina općine

Član 91.

Sve pokretne i nepokretne stvari koje u skladu sa zakonom pripadaju općini, kao što su zgrade i drugi objekti u kojim su smješteni općinski organi vlasti i druga imovina, kao i prava koja pripadaju toj imovini, čine imovinu općine.

Imovinom u vlasništvu općine, mora se upravljati savjesno i ekonomski svrsishodno, o čemu se stara općinski načelnik.

O sticanju, ustupanju ili davanju u zakup imovine u vlasništvu općine odlučuje Općinsko vijeće, samostalno ili na prijedlog općinskog načelnika.

Član 92.

Nepokretna imovina općine može se, u skladu sa zakonom, dati u zakup preduzećima i drugim pravnim licima, kao i građanima uz saglasnost Općinskog vijeća.

O davanju nepokretnosti u zakup raspisuje se oglas.

Način korištenja nepokrene imovine općine date u zakup i obaveze korisnika te imovine utvrđuje se ugovorom koga u ime općine zaključuje općinski načelnik.

Član 93.

Općinsko vijeće može, ako to opće potrebe nalažu u oblasti poslova iz samoupravnog djelokruga općine osnovati javno preduzeće ili javnu ustanovu, u skladu sa zakonom.

Aktom o osnivanju javnog preduzeća, odnosno javne ustanove propisuje se način upravljanja preduzećem, odnosno ustanovom, prava osnivača, korištenje ostvarene dobiti i druge obaveze preduzeća, odnosno ustanove prema općini.

2. Finansiranje lokalne samouprave

Član 94.

Općina ima u skladu sa Ustavom i zakonom, svoje prihode kojima, u okvirima samoupravnog djelokruga, samostalno raspolaže.

Prihodi općine srazmjerni su poslovima koje, u skladu sa Ustavom, zakonom i ovim Statutom obavljaju organi vlasti općine.

Član 95.

Općina ima pravo da, u granicama određenim zakonom, samostalno svojim propisima uređuje poreze, takse i ostala davanja koja čine prihod općine.

Općina uređuje i druge načine osiguranja potrebnih finansijskih sredstava za finansiranje svojih potreba koja nisu osigurali kantonalna, odnosno federalna vlast.

Propisi o regulisanju pitanja iz stava 1. i 2. ovog člana, u skladu sa zakonom donosi Općinsko vijeće na prijedlog općinskog načelnika.

Član 96.

Svi prihodi i rashodi općine predviđaju se godišnjim budžetom općine.

Godišnji budžet općine, kao i njihove izmjene i dopune, utvrđuje Općinsko vijeće na prijedlog općinskog načelnika.

Godišnji budžet općine usvaja se prije početka godine na koju se budžet odnosi.

Član 97.

Ukoliko se godišnji budžet općine ne može usvojiti prije početka narednog budžetskog perioda vrši se privremeno finansiranje, najduže za period do tri mjeseca.

Odluku o privremenom finansiranju donosi Općinsko vijeće na prijedlog općinskog načelnika, za izvršenje i poštivanje rokova odgovoran je općinski načelnik.

Član 98.

Općinsko vijeće donosi odluku o izvršenju godišnjeg budžeta općine kojom se uređuju uslovi, način i postupak raspolaganja prihodima i rashodima. Ova odluka donosi se uz godišnji budžet općine.

Za izvršenje općinskog budžeta neposredno je odgovoran općinski načelnik.

Član 99.

Iz godišnjeg budžeta općine finansiraju se djelatnosti Općinskog vijeća i njegovih radnih tijela, općinskog načelnika, općinskih službi za upravu, određene djelatnosti u oblasti komunalnih i društvenih službi radi zadovoljavanja osnovnih potreba građana, zaštita prirode i okoliša, mjesnih zajednica i drugih potreba iz domena samoupravnog djelokruga općine, o čemu odlučuje Općinsko vijeće.

Član 100.

Po isteku godine za koju je budžet općine usvojen sastavlja se završni račun o izvršenju budžeta koji usvaja Općinsko vijeće na prijedlog općinskog načelnika.

Član 101.

Općina može udruživati svoja sredstva sa sredstvima drugih općina radi izgradnje objekata ili obavljanja djelatnosti od zajedničkog interesa.

Aktom o udruživanju sredstava utvrđuje se visina sredstava i njihova namjena, način osiguranja, rokovi i druge obaveze općine u vezi udruživanja tih sredstava.

Član 102.

Općinsko vijeće obavlja poslove nadzora nad materijalnim i finansijskim poslovanjem organa vlasti općine putem komisije za nadzor koju osniva svojim posebnim aktom.

U okviru nadzora iz stava 1. ovog člana Općinsko vijeće obustavit će od izvršenja, poništiti odnosno ukinuti nezakoniti akt o materijalnom, odnosno finansijskom poslovanju koji je donio organ vlasti općine.

Nadzor nad materijalnim i finansijskim poslovanjem organa vlasti općine, u skladu sa zakonom obavlja i nadležni organ kantona,

odnosno nadležni federalni organ, u skladu sa zakonom kantona, odnosno federalnim zakonom.

X - MEĐUSOBNI ODNOSI IZMEĐU TIJELA OPĆINE I TIJELA KANTONA, ODNOSNO TIJELA FEDERALNE VLASTI**Član 103.**

Nadzor nad zakonitošću rada općinskih organa vlasti, u skladu sa ustavom i zakonom, obavljaju nadležni organi Federacije, odnosno kantona.

Nadzor nad zakonitošću općinskih propisa i pojedinačnih akata, koje su u skladu sa zakonom i ovim statutom donose nadležni općinski organi vlasti, obavljaju i to:

1. za općinske propise i pojedinačne upravne akte koji su doneseni na osnovu federalnog zakona i drugog federalnog propisa kojima su određeni poslovi preneseni na općinu - nadzor obavlja nadležni federalni organ za upravu određen federalnim zakonom, ako federalnim zakonom nije drukčije određeno.
2. za općinske propise i pojedinačne upravne akte koji su doneseni na osnovu kantonalnog zakona kojima su određeni poslovi preneseni na općinu, odnosno pojedinačne upravne akte donesene na osnovu općinskog propisa - nadzor obavlja nadležni kantonalni organ za upravu određen zakonom kantona, ako zakonom kantona nije drugačije određeno.

Općinski načelnik je dužan organima iz stava 2. ovog člana, na njihov zahtjev omogućiti ostvarivanje nadzora.

Član 104.

Općinski načelnik je odgovoran za ustavnost i zakonitost općih i pojedinačnih upravnih akata koja donosi prema ovom statutu i federalnom odnosno kantonalnom zakonu.

Član 105.

Izvještaj organa iz člana 102. stav 1.i 2. ovog statuta povodom izvršenog nadzora nad zakonitošću rada i zakonitošću općih i pojedinačnih upravnih akata, razmatra Općinsko vijeće u skladu sa svojim ovlaštenjima, utvrđuje odgovarajuće zaključke radi otklanjanja uočenih nezakonitosti i nepravilnog postupanja.

Realizaciju zaključka iz stava 1. ovog člana osigurava Općinsko vijeće.

XI - POSTUPAK ZA DONOŠENJE, ODNOSNO PROMJENE STATUTA OPĆINE

Član 106.

Statut općine priprema i dvotrećinskom većinom glasova izabranih vijećnika usvoja Općinsko vijeće.

Član 107.

O promjeni statuta općine odlučuje
Općinsko vijeće.

Prijedlog za promjenu statuta može podnijeti 1/3 vijećnika Općinskog vijeća, odnosno općinski načelnik.

Prijedlog mora biti obrazložen, a podnosi se u pismenoj formi predsjedavajućem Općinskog vijeća.

Inicijativu za promjenu statuta općine mogu dati građani neposredno putem svojih asocijacija.

Inicijativa se dostavlja u pismenoj formi Općinskom vijeću.

Član 108.

O prijedlogu za promjenu statuta općine raspravlja se na sjednici Općinskog vijeća.

Općinsko vijeće može raspisati referendum za promjenu statuta općine.

Ako se ne prihvati prijedlog za promjenu statuta, prijedlog istog sadržaja ne može se ponovno staviti na dnevni red vijeća prije isteka šest mjeseci od dana kada je rasprava o prijedlogu na vijeću zaključena.

Prihvaćeni prijedlog za promjenu statuta općine dostavlja se svim vijećnicima Općinskog vijeća, predsjednicima vijeća mjesnih zajednica, političkim strankama koje imaju vijećnike u općinskom vijeću radi raspravljanja i davanja primjedbi i sugestija.

Promjena statuta općine je usvojena ako je za promjenu glasalo dvije trećine vijećnika Općinskog vijeća.

Izmjene i dopune statuta Općine vrše se odlukom, Općinskog vijeća.

XII - PRIJELAZNE I ZAVRŠNE ODREDBE

Na osnovu člana 22. Zakona o lokalnoj samoupravi ("Sl.novine ZE-DO kantona", broj 13/98) i člana Statutarne Odluke o organizaciji Općine u skladu sa Ustavom ZE-DO kantona, Općinsko vijeće Breza na sjednici održanoj dana 06.02.1999.godine, donijelo je

Član 109.

Do formiranja općinskih službi za upravu, u skladu sa ovim statutom, poslove iz nadležnosti tih službi obavljat će općinski organi uprave koje postoje u općini na dan stupanja na snagu ovog statuta.

Član 110.

Općinske službe za upravu predviđene ovim statutom formirat će se najkasnije u roku od šezdeset dana od dana stupanja na snagu ovog statuta.

Član 111.

Organizacija mjesnih zajednica, u skladu sa ovim statutom, izvršit će se najkasnije u roku od devedeset dana od dana stupanja na snagu ovog statuta.

Član 112.

Danom stupanja na snagu ovog statuta prestaje primjena statuta općine broj: 01/1-023-45/92 od 02.04.1992.godine, Statutarne Odluke o organizaciji općine u skladu sa Ustavom Federacije Bosne i Hercegovine broj:01/1-023-308/94. od 14.jula 1994.godine i Odluka o izmjeni i dopuni Statutarne Odluke o organizaciji Općine u skladu sa Ustavom ZE-DO kantona broj: 01/1-023-46/97. od 24.12.1997.godine.

Član 113.

Ovaj Statut stupa na snagu osmog dana od dana objavljivanja u "Službenom glasniku Općine Breza".

Broj: 01/1-01-227/99
Breza, 06.02.1999.god.

**PREDSJEDAVAJUĆI
OPĆINSKOG VJEĆA
Salko Šabić s.r.**



BUDŽET OPĆINE BREZA ZA 1999.GODINU

I - OPĆI DIO

Član 1.

Budžet Općine Breza za 1999. godinu sastoji se od:

- prihoda.....1.605.000
- izdataka.....1.605.000

Član 2.

Prihodi i izdaci po grupama utvrđuju se u Bilansu prihoda i izdataka za 1999.godinu kako slijedi:

A - PRIHODI :

Pozicija	P R I H O D	KM
	UKUPAN PRIHOD =	1.605.000
1.	Prihodi od poreza.....	1.034.000
1.1.	Porez na dobit i dohodak.....	192.000
1.1.1.	Porez na dobit od priv.i prof.dj..	170.000
1.1.2.	Porez na dobit od poljop.djelat.	20.000
1.1.3.	Porez na osnovu autorskih prava	2.000
1.2.	Porez na ukupne plaće i radnu snage.....	300.000
1.2.1.	Porez na plaću od fizičkih lica....	280.000
1.2.2.	Porez na dodatna primanja.....	20.000
1.3.	Porez na imovinu.....	117.000
1.3.1.	Porez na imovinu.....	5.000
1.3.2.	Porez na naslijeđe i poklone.....	1.000
1.3.3.	Porez na promet od fiz.lica.....	100.000
1.3.4.	Porez na promet od prav.lica.....	10.000
1.3.5.	Porez na prihod od imovine.....	1.000
1.4.	Porez na promet proizvoda i usluga.....	425.000
1.4.1.	Porez na promet proizvoda.....	150.000
1.4.2.	Porez na promet usluga.....	275.000
2.	Neporezni prihodi.....	571.000
2.1.	Naknade,takse,novčane kazne.....	400.000
2.1.1.	Općinske naknade.....	120.000
2.1.2.	Općinske sudske takse.....	10.000

2.1.3.	Općinske administrativne takse.	130.000	
2.1.4.	Općinske komunalne takse.....	100.000	
2.1.5.	Ostali prihodi.....	20.000	
2.1.6.	Novčane kazne po općin.propis.	10.000	
2.1.7.	Ostale kazne.....	5.000	
2.1.8.	Ostali prihodi od kazni.....	5.000	
2.2.	Potpore.....	150.000	
2.2.1.	Tekuće domaće potpore od kan..	150.000	
2.3.	Prenesena sredstva iz 1998. godine.....	21.000	
<hr/>			
S V E G A		1.605.000	

B - IZDACI :

Pozicija	Naziv pozicije budžeta	KM
1.	Sredstva za rad organa up.ijavn.ust.....	939.000
1.1.	Osnovne bruto plate.....	606.000
1.2.	Doprinos na teret poslodavaca.....	77.500
1.3.	Naknade vijećnicima.....	54.500
1.4.	Naknade komisijama.....	5.000
1.5.	Naknade predsjednika vijeća.....	2.400
1.6.	Naknade troškova zaposlenih.....	93.000
1.7.	Izdaci za materijal.,energ.,usl.....	100.600
2.	Kapitalni izdaci.....	120.000
3.	Tekući transferi i sredstva rezerve.....	347.100
4.	Prenesene obaveze iz 1998. godine.....	198.900
<hr/>		
UKUPNI IZDACI:.....		1.605.000

II - POSEBNI DIO**Član 3.**

Izdaci u Budžetu u iznosu od 1.605.000 KM raspoređuju se po korisnicima u posebnom dijelu budžeta, kako slijedi:

Pozicija	NAZIV POZICIJE BUDŽETA	KM
<hr/>		
- Razdio 1 - Općinsko vijeće		
Glava 1. - Općinsko vijeće		
1.	Naknada vijećnicima	54.500
2.	Naknade članovima komisija	5.000

3.	Naknada predsjednika vijeća	2.400
4.	Izdaci za materijal., energ.i usl.	10.000
5.	Tekući transferi finansiranja stranaka	40.800
-	S D A	23.100
-	Stranka za BiH	5.400
-	G D S	1.400
-	UBSD	5.400
-	SPP	1.400
-	SDP	4.100
UKUPNO ZA GLAVU 1.....		112.700

Glava 2. - Stručna služba Općinskog vijeća

6.	Osnovne bruto plate	25.000
7.	Doprinosi poslodavaca	3.100
8.	Ostala primanja radnika	3.600
9.	Izdaci za materijal.,energ.i usluge	7.500
UKUPNO ZA GLAVU 2.....		39.200
UKUPNO RAZDIO 1.....		151.900

Razdio 2. - Kabinet načelnika

Glava 1. - Kabinet načelnika -

10.	Osnovne bruto plate	16.800
11.	Doprinosi poslodavaca	2.100
12.	Ostala primanja radnika	1.200
13.	Izdaci za materijal., energ. i usluge	8.500
UKUPNO ZA GLAVU 1.....		28.600

GLAVA 2 - Stručna služba općinskog načelnika

14.	Osnovne bruto plate	21.400
15.	Doprinosi poslodavaca	2.700
16.	Ostala primanja radnika	3.500
17.	Izdaci za materijal, energ.i usluge	7.000
UKUPNO ZA GLAVU 2.....		34.600
UKUPNO RAZDIO 2.....		65.200

RAZDIO 3 - Sekretarijat za opću upravu

18.	Osnovne bruto plate	252.000
19.	Doprinosi poslodavaca	32.000
20.	Ostala primanja radnika	42.000
21.	Izdaci za materijal.,energ.i usluge	38.000
22.	Transferi	
-	Finansiranje MZ	55.200
-	Finansiranje RVI	7.500
-	Finansiranje JOB	7.500
-	Finansiranje porodica šehida	7.500
-	Finansiranje udruženje penzionera	2.500
-	Finansiranje učesnika NOR-a	600
-	Finansiranje udruženja žena	1.500
-	Finansiranje udruženja spor.RVI	6.000
-	Finansiranje turnira šehida	5.000
-	Prevoz učenika osnov.,sred.škola i studenata	51.000
-	Fizička kultura i kultura	5.000
-	Tekuće održavanje zdravstva	5.000
-	Radio Breza	18.000
-	Dotacije dječijem obdaništu	33.000
-	Kulturne i sportske manifestacije	5.000
-	Omladinski sport	6.500
-	Zdravstvena zaštita životinja	5.000
-	Streljačko društvo - Breza	2.500
-	Uređenje šehidskih mezarja i spomen obilježja	15.000
-	Radio amateri	1.800
-	Ekološke aktivnosti	800
-	Spomen obilježja (II Svj.rata)	6.000
-	Zaštita od štetočina	2.400

 UKUPNO RAZDIO 3..... 614.300

RAZDIO 4 - Sekretarijat za prostorno uređenje

23.	Osnovne bruto plate	156.800
24.	Doprinosi poslodavaca	19.400
25.	Ostala primanja radnika	22.600
26.	Izdaci za materijal.,energ.i usluge	7.500
27.	Kapitalni izdaci	120.000
-	Opšta komunalna potrošnja	100.000
-	Održavanje putne mreže	15.000
-	Studije i planovi	5.000

 UKUPNO RAZDIO 4..... 326.300

RAZDIO 5 - Općinski sud	
28. Osnovne bruto plate	31.000
29. Doprinosi poslodavaca	3.900
30. Ostala primanja radnika	4.700
31. Izdaci za materijal.,energ.i usluge	7.600
UKUPNO RAZDIO 5.....	47.200
RAZDIO 6 - Općinski štab CZ	
32. Osnovne bruto plate	19.000
33. Doprinosi poslodavaca	4.000
34. Ostala primanja radnika	2.400
35. Izdaci za materijal.,energ.i usluge	1.500
UKUPNO RAZDIO 6.....	26.900
RAZDIO 7 - Stručna služba MZ-e	
36. Osnovne bruto plate	22.000
37. Doprinosi poslodavaca	2.700
38. Ostala primanja radnika	3.500
39. Izdaci za materijal.,energ.i usluge	2.000
UKUPNO RAZDIO 7.....	30.200
RAZDIO 8 - Centar za socijalni rad	
40. Osnovne bruto plate	62.000
41. Doprinosi poslodavaca	7.600
42. Ostala primanja radnika	9.500
43. Izdaci za materijal.,energ.i usluge	11.000
44. Tekući transferi.benif.za soc.zaštitu	35.000
UKUPNO RAZDIO 8.....	125.100
RAZDIO 9 - Tekuća rezerva	
45. Tekuća rezerva	21.000
UKUPNO RAZDIO 9.....	21.000
RAZDIO 10 - Prenesene obaveze	
46. Prenesene obaveze iz 1998. godine	198.900
UKUPNO RAZDIO 10.....	198.900
UKUPNI IZDACI	1.605.000

Član 4.

Budžetskim korisnicima utvrđena sredstva stavljaju se na raspolaganje u mjesečnim iznosima u granicama ostvarenih prihoda.

Član 5.

U tekuću rezervu Budžeta izdvojiti će se 1,3% prihoda Budžeta.
Sredstva tekuće rezerve Budžeta će koristiti izuzetno korisnici Budžeta kod kojih se ukaže neodložna potreba za sredstvima po odobrenju Općinskog načelnika.

Član 6.

Ovaj Budžet stupa na snagu narednog dana od dana objavljivanja u "Službenom glasniku Općine Breza, a primjenjivat će se od 1.1.1999.godine.

Broj: 01/1-01-228/99
Breza, 06.02.1999.god.

**PREDSJEDAVAJUĆI
OPĆINSKOG VIJEĆA
Salko Šabić, s.r.**

Na osnovu člana 43. Zakona o lokalnoj samoupravi ("Sl.novine ZE-DO kantona", broj 13/98) od 28.08.1998.godine i člana 3. Statutarne Odluke o organizaciji Općine u skladu sa Ustavom ZE-DO kantona, Općinsko vijeće Breza na sjednici održanoj dana 06.02.1999.godine, d o n o s i

Broj: 01/1-14-229/99
Breza, 06.02.1999.godine.

PREDSJEDAVAJUĆI
Salko Šabić, s.r.

ODLUKU

o privremenom finansiranju Općine Breza za
period januar - mart 1999.godine

Član 1.

Ovom Odlukom utvrđuje se iznos privremenog finansiranja Općine Breza do donošenja Budžeta Općine za 1999.godinu za period januar-mart 1999.godine.

Član 2.

Privremeno finansiranje Općine Breza za period iz člana 1.ove Odluke utvrđuje se u visini ostvarenih prihoda i rashoda u periodu oktobar-decembar 1998.godine.

Član 3.

Ova Odluka stupa na snagu danom objavljivanja naoglasnoj ploči Općine, a primjenjivat će se od 1.januara 1999.godine, a naknadno će se objaviti u "Službenom glasniku Općine Breza".

NAPOMENA: Ova Odluka objavljena je na
oglasnoj ploči općinskih organa dana
11.02.1999.godine.

Na osnovu člana 3. Statutarne Odluke o organizaciji Općine u skladu sa Ustavom Zeničko-dobojskog kantona, Općinsko vijeće Breza, na sjednici održanoj dana 06.02.1999.godine, d o n o s i

ODLUKU

o rasporedu radnog vremena u određenim djelatnostima

I - OPŠTE ODREDBE

Član 1.

Ovom odlukom određuje se raspored, početak i završetak radnog vremena u određenim djelatnostima: prometu robe na malo,

ugostiteljstvu i drugim uslužnim djelatnostima, kao i u radnjama u kojima se obavlja djelatnost ličnim radom, sredstvima u svojini građana i drugim oblicima svojine.

Član 2.

Radnim vremenom, u smislu ove Odluke, smatra se vrijeme u kojem objekti u kojima se obavlja djelatnost iz prethodnog člana moraju biti otvoreni i pružati usluge građanima radi zadovoljavanja njihovih potreba, akao i vrijeme kada objekti moraju prestati sa radom.

Član 3.

Radno vrijeme subjekata iz člana 1. ove Odluke, mora biti istaknuto na vidnom mjestu u objektima u kojima obavljaju djelatnost.

Član 4.

Ako su subjekti iz člana 1. ove Odluke spriječeni da drže poslovne objekte otvorenim u utvrđeno radno vrijeme (godišnji odmor, bolest, smrt, službeni put i sl.), dužni su da to objave na vidnom mjestu na ulazu u radnju.

Član 5.

Ako neko od lica iz člana 1. ove Odluke (bolest, vojna obaveza i sl.) ne može lično da vrši djelatnost duže od 30 dana, može privremeno prestati sa radom, odnosno privremeno povjeriti obavljanje te djelatnosti drugom licu u skladu sa zakonom.

Član 6.

Radno vrijeme je različito u zimskom i ljetnom periodu.

Ljetni period obuhvata vrijeme od 1.aprila do 30.septembra tekuće godine, a zimski period obuhvata vrijeme od 1. oktobra tekuće godine do 31. marta naredne godine.

II - RADNO VRIJEME PRODAVNICA NA MALO

Član 7.

Radno vrijeme prodavnica robe na malo u ljetnom periodu u toku radnog dana mora biti najmanje 7 sati i to: 4 sata prije podne i 3 sata poslije podne, a mora prestati sa radom najkasnije u 23,00 sata, izuzev prodavnica koje imaju radno vrijeme non-stop.

Radno vrijeme prodavnice robe na malo u zimskom periodu u toku radnog dana mora biti najmanje 7 sati i to: 4 sata prije podne i 3 sata poslije podne, a mora prestati sa radom najkasnije u 22,00 sati.

Preduzeća koja obavljaju promet na malo prehrambenih proizvoda dužna su da odrede

prodavnice koje moraju biti otvorene nedjeljom i u dane državnih praznika najmanje 4 sata prije podne i to od 8-12 sati.

III - RADNO VRIJEME

ZANATSKIH DJELATNOSTI

Član 8.

Objekti u kojem se obavlja zanatska djelatnost i djelatnost slična zanatskoj, moraju biti otvoreni svakog radnog dana 4 sata prije podne i tri sata poslije podne, i to:

- u ljetnom periodu od 8-12 i 15-18 sati,
- u zimskom periodu od 8-12 i 14-17 sati.

Član 9.

Zanatske radnje u kojima tehnološki proces ne dozvoljava prekid rada mogu raditi jednokratno.

IV RADNO VRIJEME UGOSTITELJSKE ITURISTČKE DJELATNOSTI

Član 10.

Ugostiteljski objekti mogu biti otvoreni svakog radnog dana, uključujući nedjelju i dane državnih praznika.

Ugostiteljski objekti moraju biti otvoreni najmanje 7 sati i to:

- u ljetnom periodu u intervalu od 06 do 24,00 sati,
- u zimskom periodu u intervalu od 6,00 do 23,00 sata.

Ugostiteljski objekti mogu biti otvoreni najduže do 24,00 sata u ljetnom periodu, a u zimskom do 23,00 sata.

Član 11.

Izuzetno, na zahtjev vlasnika, odnosno držaoca ugostiteljskog objekta (osim za objekte koji se nalaze u stambenim zgradama), može se odobriti radno vrijeme i poslije 24,00 odnosno 23,00 sati o čemu odlučuje nadležni organ.

Odlučujući po zahtjevu iz prethodnog stava nadležni organ će uvažavati sljedeće kriterije: blizina školskih, vjerskih, stambenih, kulturnih i sportskih objekata.

V - RADNO VRIJEME U OSTALIM USLUŽNIM DJELATNOSTIMA

Član 12.

Dnevno radno vrijeme lica koja obavljaju uslužnu djelatnost koja nije obuhvaćena nekim od prethodnih članova traje najmanje 7 sati, u intervalu od 06 do 24,00 sata.

VI - KAZNENE ODREDBE

Član 13.

Novčanim kaznama od 500-3.000 KM kaznit će se za prekršaj pravno lice, imalac radnje, odnosno vršilac samostalne djelatnosti, ukoliko nikako ne odredi radno vrijeme i ne istakne na vidnom mjestu u skladu sa ovom Odlukom ili se ne pridržava određenog radnog vremena.

Novčanom kaznom od 100-2.000 KM kazniće se za prekršaj pravno lice, imalac radnje, odnosno vršilac samostalne djelatnosti ukoliko odredi radno vrijeme suprotno članovima 7,8, i 12.

Za prekršaj iz prethodnog stava kaznit će se i odgovorno lice novčanom kaznom od 50 do 800 KM.

Član 14.

Novčanom kaznom od 500 do 3.000 KM za prekršaj kaznit će se vlasnik, odnosno držalac ugostiteljskog objekta ako se ne pridržava radnog vremena iz člana 10. stav 2. ove Odluke.

VII - PRIJELAZNE I ZAVRŠNE ODREDBE

Član 15.

Nadzor nad primjenom odredaba ove Odluke vršit će Odjeljenje za inspekcijske poslove putem tržišnih inspektora, ugostiteljsko-turističkih inspektora i Policijske uprave Breza.

Član 16.

Stupanjem na snagu ove Odluke prestaje da važi Odluka o rasporedu radnog vremena u određenim djelatnostima broj: 01/1-023-300/97 od 12. juna 1997. godine i Odluka o izmjeni Odluke o rasporedu radnog vremena u određenim djelatnostima broj: 01/1-023-328/97 od 14.08.1997.godine.

Član 17.

Ova Odluka stupa na snagu osmog dana od dana objavljivanja na oglasnoj ploči općinskih organa, a naknadno će se objaviti u "Službenom glasniku Općine Breza".

Broj: 01/1-22-230/99

Breza, 06.02.1999.godine

PREDSJEDAVAJUĆI

Salko Šabić, s.r.

NAPOMENA: Ova Odluka objavljena je na oglasnoj ploči općinskih organa dana 11.02.1999.godine

• • • • •

Na osnovu člana 15. Zakona o eksproprijaciji ("Službeni list SRBiH", broj 12/87, 38/89, "Službeni list RBiH", broj 15/94), i člana 3. Statutarne Odluke o organizaciji općine u skladu sa Ustavom ZE-DO kantona, Općinsko vijeće Breza, na sjednici održanoj dana 06.02.1999.godine, d o n o s i

RJEŠENJE

1. Utvrđuje se da je od općeg interesa proširenje postojećeg putnog pravca Breza-Banjevac-Gornja Breza, i da se u tu svrhu može pristupiti potpunoj eksproprijaciji nekretnina označenih kao:

- k.č. broj 76/6 zv. "Šuma Sjemine" upisano u zk.ul.br. 631 k.o. Breza (s.p.), što odgovara k.č. br. 342/2 k.o. Gornja Breza (n.p.), suvlasništvo Osmana Frljak, sina Jusufa sa dijelom 1/32 iz G.Breze, Hajrudina Frljak, sina Jusufa iz Breze itd. posjednika Alije Frljak, sina Hasana iz Gornje Breze u površini od 8 m2,

- k.č. br. 26/1 zv. "Livada Džilina", upisano u zk.ul.br. 590 k.o. Breza (s.p.) što odgovara k.č. br. 38 k.o. Gornja Breza (n.p.) vlasništvo Zehre Džuvic um. Saliha sa dijelom 1/1 posjednika Muhameda Bašić, sina Hasana iz G.Breze u površini od 10 m2,

- k.č. br. 82 zv. "Šljivik Zavrtnjak", upisano u zk.ul.br. 16 k.o. Breza (s.p.) što odgovara k.č. br. 344 i k.č. 345 k.o. Gornja Breza, (n.p.) suvlasništvo Saliha Frljak, um. Šerifa iz G.Breze sa dijelom 244/5428, posjednika Saliha Frljak, sina Šerifa iz Gornje Breza u površini od 36 m2,

- k.č. br. 93/2 zv. "Gradilište sa zgradom" upisano u zk.ul. br. 428 k.o. Breza (s.p.) što odgovara k.č. br. 415 k.o. Gornja Breza (n.p.) suvlasništvo Muhameda Frljak, um. Mehmeda sa dijelom 180481/7464560, posjednika Saliha Frljak, sina Šerifa iz Gornje Breze u površini od 20 m2,

- k.č. br. 114/1 zv. "Šljivik pod kućom", upisano u zk.ul.br. 20 k.o. Breza (s.p.), što odgovara k.č. br. 410 k.o. Gornja Breza (n.p.) suvlasništvo Ahme Turbo, sina Hašima iz Gornje Breza, posjednika Ahmeda Turbo, sina Hašima iz Gornje Breze u površini od 12 m2,

- k.č. br. 80 zv. "Livada vrtnjak", upisano u zk.ul.br. 631 k.o. Breza (s.p.), što odgovara k.č. br. 350/1 k.o. Gornja Breza

(n.p.), suvlasništvo Osmana Frljak, sina Jusufa sa dijelom 1/32, Hajrudina Frljak, sina Jusufa sa dijelom 1/32, posjednika Hajrudina Frljak, sina Jusufa iz Gornje Breze u površini od 15 m²,

- k.č. br. 79/1 zv. "Oranica voćnjak", upisano u zk.ul.br. 765 k.o. Breza (s.p.), što odgovara k.č. br. 356 k.o. Gornja Breza (n.p.) suvlasništvo Hasana Frljak, sina Bege iz Gornje Breze sa dijelom 8/448, posjednika Hasana Frljak, sina Čamila iz Gornje Breze u površini od 8 m²,

- k.č.br. 158/1 zv. "Oranica Ranka" upisano u zk.ul.br. 765 k.o. Breza (s.p.), što odgovara k.č. br. 373 k.o. Gornja Breza (n.p.) suvlasništvo Hasana Frljak, sina Bege sa dijelom 8/448 iz Gornje Breze, posjednika Hasana Frljak, sina Bege iz Gornje Breze u površini od 8 m²,

- k.č. br. 159/9 zv. "Kuća", upisano u zk.ul.br. 816 k.o. Breza (s.p.), što odgovara k.č. br. 372 k.o. Gornja Breza (n.p.) suvlasništvo Ragiba Frljak, sina Muje sa dijelom 42/640, iz Gornje Breze, posjednika Ragiba Frljak, sina Muje iz Gornje Breze u površini od 8 m²,

- k.č. br. 161/2 zv. "Oranica Bamba", upisano u zk.ul.br. 432 k.o. Breza (s.p.) što odgovara k.č. br. 539 k.o. Gornja Breza (n.p.) vlasništvo Hasana Frljak um.Ibrahima sa dijelom 1/1, posjednika Hasana Frljak, sina Ibrahima iz Gornje Breze u površini od 8 m²,

- k.č. br. 161/5 zv. "Oranica Ranka", upisano u zk.ul. br. 926 k.o. Breza (s.p.) što odgovara k.č. br. 546 k.o. Gornja Breza (n.p.), suvlasništvo Munire Frljak, rođ. Bisić sa dijelom 1/15, Senudine Frljak ud. Bukić sa dijelom 1/15, Jasmine Frljak, kćeri Salke sa dijelom 1/15, posjednika Hasana Begića sina Čamila i Salke Frljak, sina Muje iz Gornje Breze u površini od 5 m²,

- k.č. br. 162/5 zv. "Kuća i dvorište sa štalom", upisano u zk.ul.br. 1415 k.o. Breza (s.p.) što odgovara k.č. br. 551 k.o. Gornja Breza (n.p.) vlasništvo Edhema Frljak, sina Osmana sa dijelom 1/1, posjednika Edhema Frljak, sina Osmana iz Gornje Breze, u površini od 10 m²,

- k.č. br. 172/2 zv. "Kuća i dvorište" upisano u zk.ul.br. 1849 k.o. Breza (s.p.), što odgovara k.č. br. 552 i k.č. br. 553 k.o. Gornja Breza (n.p.) vlasništvo Hasana Frljak, um.Čamila sa dijelom 1/1, posjednika Kaljun

Salema, sina Mehmeda iz Gornje Breze u površini od 40 m²,

- k.č.br. 162/6 zv. "Kuća i dvorište", upisano u zk.ul.br. 1414 k.o. Breza (s.p.) što odgovara k.č.br. 547 k.o. Gornja Breza (n.p.), vlasništvo Ibrahima Frljak, sin Osmana sa dijelom 1/1, posjednika Frljak Ibrahima sina Osmana iz Gornje Breze u površini od 10 m²,

- k.č. br. 70/4 zv. "Kuća i dvorište", upisano u zk.ul. br. 430 k.o. Breza (s.p.), što odgovara k.č.br. 330 k.o. Gornja Breza (n.p.) suvlasništvo Safeta Frljak, u. Bećira sa dijelom 1/90, Ibrahima Frljak u.Bećira sa dijelom 2/45 itd. posjednika Frljak Ibrahima i Safeta u. Bećira iz Gornje Breze u površini od 25 m²,

- k.č.br. 76/7 zv. "Gradilište", upisano u zk.ul.br. 631 k.o. Breza (s.p.), što odgovara k.č. br. 337 k.o. Gornja Breza (n.p.), suvlasništvo Osmana Frljak, sina Jusufa sa dijelom 1/32, Hajrudina Frljak, sina Jusufa sa dijelom 1/32 itd., posjednika Hasana Frljak, sina Ibrahima iz Gornje Breze u površini od 12 m²,

- k.č. br. 81, zv. "Oranica-Vrtnjak" upisana u zk.ul.br. 631 k.o. Breza (s.p.), što odgovara k.č. 348 k.o. Gornja Breza (n.p.) suvlasništvo Osmana Frljak, sina Jusufa sa dijelom 1/32 Hajrudina Frljak, sina Jusufa sa dijelom 1/32, posjednika Osmana Frljak, sina Jusufa iz Gornje Breze, u površini od 30 m²,

- k.č. br. 93/2 zv. "Gradilište sa zgradom" upisano u zk. ul.br. 428 k.o. Breza (s.p.), što odgovara k.č. br. 417 k.o. Gornja Breza (n.p.), suvlasništvo Muhameda Frljak um. Mehmeda sa dijelom 180481/7464960, posjednika Frljak Alije, sina Hasana iz Gornje Breze u površinu od 65 m²,

- k.č. br. 116/1 zv. "Oranica-Ranka" upisano u zk.ul.br. 708 k.o. Breza (s.p.) što odgovara k.č. br. 379 k.o. Gornja Breza (n.p.), suvlasništvo Elkaza Turbo, sin Dževada, sa dijelom 7749/158760, posjednika Elkaza Turbo, sina Dževada iz Gornje Breze, u površini od 5 m²,

- k.č. br. 160/2 zv. "Voćnjak Ranka" upisano u zk.ul.br. 653 k.o. Breza (s.p.) što odgovara k.č.br. 364/2 k.o. Gornja Breza (n.p.), suvlasništvo Ragiba Frljak, sina Muje sa dijelom 1/72, posjednika Ragiba Frljak, sina Muje iz Gornje Breze u površini od 20 m²,

- k.č.br. 115/1 zv. "Šljivik Trzna" upisano u zk.ul. 428 k.o. Breza (s.p.) što odgovara k.č.br. 409 k.o. Gornja Breza (n.p.),

suvlasništvo Muhameda Frljak, um.Mehmeda sa dijelom 180481/7464960, posjednika Ahmeda Turbo, sina Hašima iz Gornje Breze u površini od 10 m².

O b r a z l o ž e n j e

MZ Gornja Breza zastupana od strane punomoćnika u svojstvu pravobranioca obratila se putem Sekretarijata za prostorno uređenje, zaštitu okolice, geodetske i imovinsko-pravne poslove Općinskom vijeću prijedlogom za utvrđivanje općeg interesa za proširenje putnog pravca Breza-Banjevac-Gornja Breza, te da se može pristupiti eksproprijaciji nekretnina navedenih u dispozitivu.

U skladu sa članom 16. Zakona o eksproprijaciji pribavljena su mišljenja MZ G.Breza od 18.01.1999.godine, zatim mišljenje Zavoda za agropedologiju broj: 04-12/99 od 15.01.1999.godine i mišljenje Javnog preduzeća "Breza-promet" Breza broj: 026/99 od 18.01.1999. godine.

Razmatrajući prijedlog, Općinsko vijeće je utvrdilo da je od općeg interesa proširenje postojećeg putnog pravca Breza-Banjevac-Gornja Breza, jer je proširenje i rekonstrukcija navedenog postojećeg putnog pravca neophodno potrebna.

Na osnovu izloženog riješeno je kao u dispozitivu.

Protiv ovog rješenja ne može se izjaviti žalba, niti se može pokrenuti upravni spor.

Broj: 01/1-27-232/99
Breza,06.02.1999.godine
PREDSJEDAVAJUĆI
Salko Šabić,s.r.

Napomena:Ovo Rješenje je objavljeno na oglasnoj ploči općinskih organa 15.02.1999.godine.

S A D R Ź A J

1. Statut Općine Breza
13. Budžet Općine Breza za 1999. godinu.
19. Odluka o privremenom finansiranju Općine Breza za period januar-mart 1999.godine.
19. Odluka o rasporedu radnog vremena u određenim djelatnostima.
21. Rješenje o utvrđivanju općeg interesa proširenja postojećeg putnog pravca Breza-Banjevac-Gornja Breza.

.....

Izdavač: Općina Breza Stručna služba Općinskog vijeća, Ulica ZAVNOBIH-a br. 6. telefon: 783-310,
fax: 783-314 Štampa: Prospekt Breza.